



Bihać, Bosanska 25, Bosna i Hercegovina
Telefon: + 387 77 222-400, Fax: 222-331, e-mail: unabanka@bih.net.ba S.W.I.F.T.: PRBBBA2H

Privremena uprava,
Bihać, 30.11.2009.god.

Na osnovu čl. 57. st. 1. i st.5. tač.1. Zakona o bankama ("Službene novine Federacije BiH" broj: 39/98, 32/00, 48/01, 27/02, 41/02, 58/02, 13/03, 19/03, i 28/03) i Odluke Privremenog upravitelja broj: PU 4008 od 30.11.2009., Privremeni upravitelj Una banke d.d. Bihać u privremenoj upravi objavljuje

JAVNI POZIV

kojim se pozivaju potencijalni investitori da podnesu svoje prijave i ponude za dokapitalizaciju ili pripajanje ili prodaju imovine banke uz otkup obaveza UNA banke d.d. Bihać u privremenoj upravi

PREDMET:

Predmet Javnog poziva je:

1. dokapitalizacija ili
2. pripajanje ili
3. prodaja imovine uz otkup obaveza

UNA banke d.d. Bihać u privremenoj upravi
Bihać, Bosanska 25.
Bosna i Hercegovina

Una banka dd Bihać osnovana je 28.07.1992.godine, posjeduje potrebne dozvole za obavljanje bankarskih poslova, poslova platnog prometa sa inostranstvom, devizno-valutnih poslova, kreditno-garancijskih poslova sa inostranstvom, te dozvolu za obavljanje unutrašnjeg platnog prometa. Banka je od 07.05. 2001. godine u postupku privremene uprave.

Bilanca Banke na dan 30.09.2009. god. u 000 KM iznosi:

AKTIVA	
Novčana sredstva i rač.depoz. kod dep.inst.	3.100
Kreditni, potraživanja po poslovima lizinga i druga potraživanja	1.454
Poslovni prostori i ostala fiksna aktiva	7.705
Ostale nekretnine	1.722
Investicije u nekonsolidovana pov.poduzeća	98
Ostala aktiva	739
Rezerve za potencijalne gubitke	(619)
UKUPNA AKTIVA	14.199
OBAVEZE	
Depoziti	8.221
Neizmirene pozvane za plać.vanbil. obaveze	973

Uzete pozajmice od drugih banaka	3.089
Obaveze po uzetim kreditima	290
Ostale obaveze	5.219
UKUPNO OBAVEZE	17.792
Kapital - rezerve	(3.593)
UKUPNO OBAVEZE I KAPITAL	14.199

Bančina potraživanja po ranije otpisanoj lošoj (nekvalitetnoj) aktivi iznose 8.529/h KM.

UVJETI

Potencijalni investitori moraju ispunjavati uvjete propisane Zakonom o bankama i podzakonskim aktima Agencije za bankarstvo Federacije Bosne i Hercegovine za realizaciju namjeravane transakcije.

Naknada za učešće na Javnom pozivu iznosi KM 2.000,00 bez prava povrata, koju potencijalni investitori su dužni uplatiti na transakcijski račun Una banke d.d. Bihać p.u.

broj 183100 0000000213 sa naznakom uplata naknade za učešće na Javnom pozivu.

Uplata naknade za učešće na Javnom pozivu u iznosu od EUR 1.022,59 (1EUR = 1,95583 KM) može se izvršiti na račun Una banke d.d. Bihać u privremenoj upravi kod Zagrebačka banka DD Zagreb broj: 5180001227-978 SWIFT ZABHRXX.

1. DOKAPITALIZACIJA BANKE

Banka se dokapitalizira zatvorenom emisijom dionica najmanje u iznosu od 25.000.000,00 KM koja osigurava kapital Banke u skladu sa minimalnim standardima utvrđenim Zakonom o bankama i rad Banke u skladu sa važećim zakonima i odlukama Agencije za bankarstvo Federacije BiH.

Ponude sa manjom vrijednošću dokapitalizacije, neće se uzimati u razmatranje.

Pravo učešća imaju domaća i strana pravna i fizička lica.

Potencijalni investitori treba da imaju osigurana finansijska sredstva (namjenski depozit) neophodna za emisiju novih dionica.

Prijava na Javni poziv treba da sadrži opće informacije o potencijalnom investitoru, njegovom sjedištu, ovlaštenom licu za zastupanje, strukturi vlasništva, finansijskom stanju i odluku nadležnog organa pravnog lica kojom se odobrava dokapitalizacija.

Uz prijavu se prilažu slijedeća dokumenta:

1. ovjerena fotokopija registracije kod nadležnog suda ili drugog nadležnog organa (za strano pravno lice),
2. ovjerenu ličnu kartu ili pasoš (za investitora fizičko lice),
3. odluku nadležnog organa pravnog lica kojom se odobrava dokapitalizacija,
4. original ili ovjerenu fotokopiju finansijskog izvještaja nezavisnog revizora za protekle 3 godine i posljednji periodični finansijski izvještaj,
5. ovjerenu fotokopiju dokumenta o namjenskom depozitu (ugovor o depozitu, izvod sa depozitnog računa),
6. dokaz o uplati naknade za učešće na Javnom pozivu (kopija naloga).

2. PRIPAJANJE DRUGOJ BANCI

Pripajanje Una banke dd Bihać u privremenoj upravi moguće je samo banci koja posluje na teritoriji Bosne i Hercegovine i koja svoje poslovanje obavlja u skladu sa Zakonom o bankama i propisima nadležne Agencije za bankarstvo.

Prijava na Javni poziv treba da sadrži opće informacije o potencijalnom investitoru, njegovom sjedištu, ovlaštenom licu za zastupanje, strukturi vlasništva, finansijskom stanju i odluku nadležnog organa banke za pripajanje i plan pripajanja.

Uz prijavu se prilažu slijedeća dokumenta:

1. ovjerena fotokopija registracije banke kod nadležnog suda,
2. odluku nadležnog organa banke kojom se odobrava pripajanje,
3. original ili ovjerena fotokopija finansijskih izvještaja nezavisnog revizora za protekle 3 godine i posljednji periodični finansijski izvještaj,
4. plan pripajanja,
5. dokaz o uplati naknade za učešće na Javnom pozivu (kopija naloga)

3. PRODAJA IMOVINE UZ OTKUP OBAVEZA

Prodaja imovine vrši se uz srazmjeran otkup obaveza Una banke dd Bihać u privremenoj upravi čiju početnu cijenu čini knjigovodstvena vrijednost imovine/obaveza Banke na dan 30.09. 2009. godine.

Pravo učešća imaju Banke koje posluju na teritoriji Bosne i Hercegovine i koje svoje poslovanje obavljaju u skladu sa Zakonom o bankama i propisima nadležne Agencije za bankarstvo.

Prijava na Javni poziv treba da sadrži opće informacije o potencijalnom investitoru, njegovom sjedištu, ovlaštenom licu za zastupanje, strukturi vlasništva, finansijskom stanju i odluku nadležnog organa banke o kupovini imovine uz otkup obaveza.

Uz prijavu se prilažu slijedeća dokumenta:

1. ovjerena fotokopija registracije banke kod nadležnog suda,
2. odluku nadležnog organa banke o kupovini imovine uz otkup obaveza,
3. original ili ovjerenu fotokopiju finansijskih izvještaja nezavisnog revizora za protekle 3 godine i posljednji periodični finansijski izvještaj,
4. dokaz o uplati naknade za učešće na Javnom pozivu (kopija naloga)

ROK ZA PODNOŠENJE PRIJAVA

Potencijalni investitori prijave sa dokumentacijom za učešće na Javnom pozivu mogu podnijeti u roku od 15 dana od dana objave u sredstvima informisanja na adresu:

Una banka d.d. Bihać u privremenoj upravi
Komisija za provođenje Javnog poziva
Bosanska 25
77000 Bihać, Bosna i Hercegovina

s naznakom "za Javni poziv" i s napomenom "ne otvarati".

Prijavu može podnijeti lice ovlašteno za zastupanje ili punomoćnik uz priloženu punomoć.

Prijava se podnosi u zatvorenoj kovrti na jednom od službenih jezika u Federaciji Bosne i Hercegovine.

Dokumenti koji se prilažu uz prijavu, a koji nisu izvorno napisani na jednom od službenih jezika u Federaciji Bosne i Hercegovine, moraju biti prevedeni od ovlaštenog sudskog tumača na jedan od službenih jezika u Federaciji Bosne i Hercegovini i uredno ovjereni od strane nadležnog organa.

POSTUPAK RAZMATRANJA PRIJAVA:

Otvaranje i utvrđivanje formalne ispravnosti prijava izvršit će se dana 23. 12. 2009. godine u 12 h u Una banci d.d. Bihać p.u. u Centrali banke u Bihaću, Bosanska 25. te se pozivaju podnosioci prijava da mogu prisustvovati istom.

Komisija za provođenje Javnog poziva imenovana od strane Privremenog upravnika Banke, utvrđuje formalnu ispravnost, ispunjavanje uvjeta, kompletnost dostavljenih prijava i obavještava podnosioc prijava o prihvatanju odnosno neprihvatanju prijave.

Uz obavjest o prihvatanju prijave Komisija za provođenje Javnog poziva određuje i vrijeme (termin) u kojem potencijalni investitor može izvršiti analizu Una banke dd Bihać u privremenoj upravi (due diligence).

Proces due diligence svi potencijalni investitori obaviti će najkasnije u roku od 30 dana od dana dostavljanja obavijesti o prihvatanju prijave.

Prije početka due diligence, lice ovlašteno od potencijalnog investitora za pregled knjiga potpisuje Izjavu o povjerljivosti.

Potencijalni investitor čija prijava ne bude prihvaćena od strane Komisije za provođenje Javnog poziva, bit će o tome obavješten i neće biti pozvan da izvrši analizu Banke (due diligence).

PODNOŠENJE PONUDA:

Ponuda se dostavlja nakon obavljenog due diligence.

Nakon obavljenog due diligence i dostave ponuda potencijalni investitori nemaju pravo na naknadno isticanje prigovora na stanje bilance banke.

Ponuda treba da sadrži informacije koje podrazumijevaju osnovne elemente plana i programa dokapitalizacije ukoliko se ponuda odnosi na dokapitalizaciju, plan i program pripajanja koji je nadležni organ banke odobrio ukoliko se ponuda odnosi na pripajanje banci, plan i program kupovine imovine i otkupa obaveza koji je nadležni organ odobrio ukoliko se ponuda odnosi na prodaju imovine uz otkup obaveza.

Ponudu može podnijeti lice ovlašteno za zastupanje ili punomoćnik uz priloženu punomoć.

Ponude se dostavljaju u zatvorenoj kovrti Komisiji za provođenje Javnog poziva u roku od 7 dana po isteku vremena (termina) za obavljanje due diligence, računajući od dana kada je potencijalni investitor završio analizu Banke - due diligence. Ponude se dostavljaju na jednom od službenih jezika u Federaciji Bosne i Hercegovine, na adresu:

Una banka d.d. Bihać u privremenoj upravi
Komisija za provođenje Javnog poziva
Bosanska 25
77000 Bihać
Bosna i Hercegovina
s naznakom "za Javni poziv" i s napomenom "ne otvarati".

Uz Ponudu se dostavlja i dokaz o uplaćenom depozitu za učešće na Javnom pozivu.

Depozit za učešće na Javnom pozivu u iznosu od 50.000,00 KM uplaćuje se na račun Una banke d.d. Bihać u privremenoj upravi broj 183100000000213 sa naznakom uplata depozita za učešće na Javnom pozivu.

Uplata depozita u iznosu od € 25.565,00 (1EUR = 1,95583 KM) može se izvršiti na račun Una banke d.d. Bihać u privremenoj upravi kod Zagrebačka banka DD Zagreb broj: 5180001227-978 SWIFT ZABHRXX.

Izabrani investitor gubi pravo na povrat depozita ukoliko odustane od Javnog poziva, odnosno sklapanja ugovora.

U slučaju odustanka izabranog investitora od Javnog poziva, odnosno sklapanja ugovora, pristupiće se pregovorima sa investitorom koji je slijedeći na rang listi sve dok se Javni poziv ne realizuje ili donese odluka o njegovom poništenju ili proglasi neuspjelim.

Investitorima čije ponude ne budu prihvaćene iz bilo kojeg razloga uplaćeni depozit će se vratiti nakon izvršenog izbora najpovoljnijeg investitora.

POSTUPAK RAZMATRANJA PONUDA:

Otvaranje, vrednovanje i rangiranje ponuda vrši Komisija za provođenje Javnog poziva.

Vrednovanje ponuda vršiti će se na komparativnoj osnovi.

O mjestu i vremenu otvaranja ponuda, ponuđači će biti pismeno obavješteni.

KRITERIJI ZA VREDNOVANJE PONUDA ZA:

1. DOKAPITALIZACIJU BANKE

1. Iznos dokapitalizacije - max do 50 %
2. Bonitet investitora: - max do 30 %
3. Uvjeti nastavka poslovanja Banke i broj zaposlenika koji se zadržavaju u radnom odnosu na neodređeno vrijeme: - max do 20 %

2. PRIPAJANJE DRUGOJ BANCI

1. Bonitet investitora - max do 60 %
2. Uvjeti nastavka poslovanja Banke sljednika i broj zaposlenika koji se zadržavaju u radnom odnosu na neodređeno vrijeme: - max do 40 %

3. PRODAJA IMOVINE BANKE UZ OTKUP OBAVEZA

1. Kupovna cijena: - max do 60 %
2. Bonitet investitora: - max do 20 %
3. Uvjeti nastavka poslovanja Banke kupca imovine i broj zaposlenika koji se zadržavaju u radnom odnosu na neodređeno vrijeme: - max do 20 %

Komisija za provođenje Javnog poziva može od svakog potencijalnog investitora zatražiti dodatne informacije koje se odnose na poslovni ugled, financijsku sposobnost i drugo što može biti od uticaja na konačnu odluku o izboru najpovoljnijeg investitora.

ODABIR NAJPOVOLJNIJEG INVESTITORA I PRIGOVOR NA IZBOR:

Komisija za provođenje Javnog poziva, vrijednuje ponude i utvrđuje rang listu ponuda.

Dioničari Una banke dd Bihać u privremenoj upravi imaju pravo preče kupovine kod istovjetnih ponuda.

O rezultatima Javnog poziva svi ponuđači bit će pismeno obavješteni.

Potencijalni investitori imaju pravo prigovora u roku od 7 dana od dana prijema obavještenja od strane Komisije za provođenje javnog poziva. O eventualnim prigovorima odlučit će se u roku od 7 dana od dana prijema prigovora.

Odabranom ponuđaču Banka će ponuditi prijedlog ugovora na potpis.

Privremeni upravitelj zadržava pravo poništenja Javnog poziva bez obrazloženja u bilo koje vrijeme i u tom slučaju Banka ne snosi bilo kakve troškove investitora.

Osnovni podaci o Banci, poslovnom okruženju i druge informacije mogu se dobiti kod:

UNA BANKA D.D. BIHAĆ
u privremenoj upravi
77000 Bihać
Bosanska 25
Bosna i Hercegovina
tel. 387 37 222 402

Ovaj Javni poziv će se objaviti u dnevnim listovima „Dnevni avaz“ i „Večernji list“, na web stranici Una banke dd Bihać u privremenoj upravi i web stranici Agencije za bankarstvo Federacije BiH na jednom od službenih jezika u Federaciji BiH.

Privremeni upravitelj:

Stjepan Blagović